



Komunikado

14 febrüari 2020

CAft: "Konsepto di presupuesto 2020 ainda no ta sufisientemente substansiá"

Oranjestad – E konsepto di presupuesto di Aruba pa aña presupuestario 2020 ta sera ku un surplus di 0,6% di Produkto Interno Bruto (GDP). Ku esaki ta kumpli ku e norma pa surplus presupuestario manera mensioná den e protokòl ku a keda akordá ku Hulanda. Pa promé bes despues di basta aña e debe nominal i e gastunan di personal – inkluso esnan di e fundonan presupuestario – lo baha. Ta importante pa Aruba indiká di forma fundamentá kon por sigurá e bahada di e gastunan di personal riba término largu tambe. Mas aleu, pa loke ta trata e entradanan, mester mehorá e forma den kua ta substansiá e ingresonan insidental tambe. CAft ta pidi mas atenshon pa buska i usa posibilidatnan pa redusí gastunan di gobièrnu – na lugá di hisa impuesto – pa di e forma aki yega na finansa públiko duradero i sostenibel.

Konsepto di presupuesto 2020

Pa mayoria di e medidanan struktural den e konsepto di presupuesto no a tuma desishon ainda pa loke ta trata entrada – pa un montante di AWG 111 mion. Pa e motibu aki tin un riesgo real ku por surgi retraso den realisashon di e subidanan di entrada aki, resultando den un défisit. Aruba por sierto ta pone muchu énfasis riba subimentu di entrada pa realisá un surplus. For di punto di bista di finansa públiko duradero i sostenibel ta importante pa redusí gastu. Aruba mester entregá e presupuesto riba término korto na Parlamentu, di moda ku esaki por keda aprobá awor sin mas retraso.

Gastunan di personal

Konforme e protokòl di koperashon Aruba–Hulanda 2019-2021 di 22 di novèmber 2018, titulá 'Fihando e kaminda pa finansa públiko di Aruba sólido, transparente i sostenibel', entrante yanüari 2019 tur aña Aruba mester redusí gastunan di personal. Pa aña 2020 ayega na e palabrashon ku e gastunan di personal, inkluso e karganan di dunadó di trabou, por monta te AWG 476 mion. Esaki ta inkluso e Fondo Presupuestario Provishonal pa e Plan di Krísis Sosial (IBSCP). Si esaki keda realisá, e gastunan eksesivo di personal lo baha pa promé bes den añanan. Esaki ta forma un kiebro di tendencia importante. E substansiamentu di e kalkulashon di e gastunan aki mester mehorá, di manera ku ta bira kla tambe kon e bahada nominal aki lo keda kontinuá den e añanan benidero.

Reforma di impuesto

E reforma di impuesto ku a keda inisiá aña pasá te ainda tin retraso. E meta ta pa kambia e sistema di kargo impuesto i kaminda ta posibel simplifiká esaki. CAft ta enfatisá ku toma di desishon rápido riba e reforma di impuesto ta urgentemente rekerí. Tambe ta di importansia pa riba término korto tuma e otro medidanan pa logra ku esnan ku mester paga impuesto i prima, paga esakinan en bèrdat tambe.

CAft a bishitá Aruba dia 13 i 14 di òktober. A hiba kòmbersashon ku, entre otro, Gobernador, Minister di Finansa, Asuntonan Ekonómiko i Kultura, Minister di Hustisia, Seguridat i Integrashon, Konseho di Minister i Parlamento. Ademas, CAft a reuní kku gerensia di Banko di Seguro Sosial (SVb).

[Fin di e Komunikado]

Fotógrafo:

Erik Boeldak

Teksto pa foto:



Presupuesto di Aruba mester ta mihó supstansiá.

Nota pa redakshon – no pa publikashon

Persona di kontakto na CAft:

Sekretariado di Kolegio di supervishon finansiero Aruba

Ray Thuis - Sekretario

Telefòn (+5999) 461-9081 / (+5999) 461-9082 / (+5999) 461-9084

Email info@cft.cw

Internet www.cft.cw

Persona di kontakto pa Prensa:

Jefka Martina

Telefoon (+5999) 512-6861